

ЭРДЭНЭ РЕСУРС ШИНЭ САНХҮҮ ХАРИУЦСАН ЗАХИРАЛ ТОМИЛОО

Хэвлэлийн Мэдээ

Нова Скошиа муж, Халифакс хот
2019.05.01

Эрдэнэ Ресурс Девелопмент Корпораци (TSX:ERD | MSE:ERDN) (цаашид “Эрдэнэ Ресурс” эсвэл “Компани” гэх) нь 2019 оны 5-р сарын 1-нд Санхүү хариуцсан захирал (“CFO”)-аар Роберт Женкинсийг томилсныг мэдээлэхэд таатай байна. Энэхүү үйл явдалтай зэрэгцэн Эрдэнэ Ресурсийг үүсгэн байгуулагдсанаас хойш Санхүү хариуцсан захирлын албыг хашиж байсан Кэннэт МакДоналд нь тэтгэвэрт гарч байна.

Роберт Женкинс нь санхүүгийн удирдлагын чиглэлээр 15 жил ажилласан туршлагатай, итгэмжлэгдсэн мэргэжлийн нягтлан бодогч (“CPA”) юм. Тэрээр 2018 оноос Эрдэнэ Ресурс-д Бизнес стратеги хариуцсан дэд захирлаар ажиллаж эхэлсэн бөгөөд стратеги, санхүүгийн төлөвлөлтийг хариуцан ажиллаж байв. Тэрээр Делойтте ХХН (“Deloitte LLP”)-ээс ажлын гарааг эхлэн, 2010-2017 онуудад Брукфилд Ассет Менежмент компанид (“Brookfield Asset Management”) санхүүгийн удирдах албан тушаалуудад томилогдон ажиллаж байсан туршлагатай билээ.

Компанийн Эшлэл:

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ: “Эрдэнэ Ресурсийг үүсгэн байгуулагдсанаас хойш компанийн хөгжил дэвшилд ихээхэн хувь нэмэр оруулсан Кэнд ТУЗ-ийн өмнөөс талархал илэрхийлж байна. Тэрээр компанийн анхны хайгуулын хөтөлбөрүүдээс эхлэн, Монгол улсын баруун өмнөд хэсэгт Хөндий Алтны Төслийг нээн илрүүлэх хүртэлх компанийн хөгжлийн бүх үе шатуудад үнэтэй хувь нэмэр оруулж байсан юм”

“Мөн Робертийг удирдлагын багийн бүрэлдэхүүнд орж ажиллах болсонд бид баяртай байна. Тэрээр санхүү болон удирдлагын арвин туршлагатай бөгөөд цаашид компанийн Хөндий Алтны Төслийн хөгжүүлэлтийн үйл явцад үнэ цэнийг нэмэгдүүлэн, хувь нэмэр оруулна гэж үзэж байна” хэмээв.

Хөндий Алтны Төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

Компани нь 2018 оны 3-р улиралд Төслийн анхан шатны нөөцийн тооцооллыг тайлагнасан бөгөөд энэхүү тайланд 0.7 г/т захын агуулгаар тооцсон 2.3 г/т алтны дундаж агуулга бүхий 751,000 унц алтны бодит нөөц, 1.8 г/т алтны дундаж агуулга бүхий 291,000 унц алтны боломжит нөөц тогтоогдсон. 2018 оны 12 сард NI 43-101 эрдсийн төслийн тайлагналын стандартын (“NI 43-101”) дагуу Анхан шатны эдийн засгийн тооцооллыг гүйцэтгэсэн. Энэхүү тооцооллоор: Алтны үнийг \$1200/унц гэж төсөөлөхөд татварын дараах өнөөгийн үнэ

цэн нь (5% хоргодуулалт бүхий) (“NPV5%”) 99 сая ам.доллар, дотоод өгөөжийн хувь (“IRR”) нь 56% байсан. Мөн тооцооллоор 8 жилийн турш 3.42 г/т дундаж алтны агуулга бүхий хүдрээс жилд дунджаар 51,200 унц алт үйлдвэрлэх боломжтой уурхайг төлөвлөсөн. Төслийн тусгай зөвшөөрлийн талбайд буй нэмэлт нээлт болон тэлэлт хийх боломжтой талбайнууд нь төлөвлөсөн хөгжүүлэлтийн талбайг тэлэх суурь болох боломжтой.

Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн тухай тодорхой мэдээллүүд нь зөвхөн Компанийн вебсайтаар дамжин хүрэх магадлалтай тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp/>

YouTube: <https://www.youtube.com/channel/UCILs5s9j3SLmya9vo2-KXoA>